

արտացոլումը կը սփռեն ձորահոլտիս ամեն անկիւնները
և կարծեցիր թէ—ահա այս է կեանքը:

Այդպէս չէ, այլ ուշդ դարձուր մի անգամ յա-
ռաջ:

Ահա անցաւ ամառն, հասաւ աշունը, յանկարծ
յաջորդեց ձմեռը, տեսարանը բոլորովին փոխուեցաւ,
սաստիկ քամին կը սուլէ, սար ձոր ծածկուեց սպիտակ
խաւով, արջեր և գայլեր դուրս եկան որջերից, որս կը
փնտռեն, պահաս չեն նաև մարդագայլեր, որք իրենց յա-
տուկ այրերն ունին, գուն կը գործեն բքի և դազանաց
ձեռքէն հալածուած և կորզուածները խեղդելու, տես,
մերձակայ այրերը և ծերպերը մարդկային արեան հոտ
կը բուրեն, ահա գոռացին հրացանները, և անցորդներէն
մինը թաւալզոր ընկաւ, մինը ձիան շերտը կարմիր ներ-
կած, միւսը բերանը բաց խուփ անելով կը դիմէ ի յա-
ւիտենականութիւն . . . : Հարցուր այդ ձորին, ընթերցող,
և նա կը պատմէ աւելի քստմնելին, անցիր հին դարը
և նա կը հաստատէ, «Վալոց զիւղ յորմէ էր Տեառն
թագ յաւուրս պատերազմաց Վահանայ Մամիկոնէի և
նահատակեցան քաջութեամբ ի Զարմիհր հազարաւուխտ
զօրաւարէ պարսից, ուր անկան ի մարտի երկու քաջ
Սեպուհքն¹»:

ՉԱԽՈՅ ԵՒ ՀԱՅՐԱՆ²

Չախոն Ամատ գիւղից «Եօթ գութանի տէր» մի
մեծ տուն էր:

1. Հ. Ալիշանի ուշադրութիւնը կը ենդրեմ այս հատուածի վերայ:

2. Չախոյի ղէպը պատմած է Զեւական գիւղացի Մխոն. նաեւ
ստուգած եմ Ամատ գիւղացիներէն: